

欽定四庫全書

子部

普濟方卷一百二十三
四



南京中医药大学图书馆版权所有

欽定四庫全書

普濟方卷

目錄

周王朱橚撰

普濟方

目錄

普濟方

目錄

普濟方

目錄

普濟方

目錄

普濟方

目錄

盡成林丙辛水運分

普濟方

普濟方

子午君火少陰心丑未脾土太陰存寅申少陽相火
位卯酉陽明屬燥金巳亥厥陰風木是辰戌太陽
寒水侵天地六氣自然數支上排輪仔細尋

傷寒逐年五運歌

大寒木運始行初清明後二火運居芒種後三土運
是立秋後四金運推立冬後五為水運周而復始萬
年餘

六氣相移換而不株守其位每年如此

傷寒逐年六氣歌

大寒厥陰氣之初春分君火二氣居小滿少陽分三
氣太陰大暑四氣符秋分陽明為五氣太陽小雪六
之餘

傷寒逐年主氣歌

初氣逐年木主先二君三相火排連四來是土常為
主五氣金星六水天

傷寒逐年客氣歌

每年退二是客鄉上臨實數下臨方初中六氣排輪
取主客興衰定弱強

假令癸丑年司天退二辛亥是也厥陰風木為初
之客氣也子為二之氣丑為三之氣寅為四之氣
卯為五之氣辰為六之氣是也

傷寒逐日受病起例歌

年年逐日是司天前三司地順排連陽前陰後加人
命數到司天見病源司地位上分前後支屬陰陽仔

細看却將本命依前取輪至病日是其端

假令戊寅生人甲子日得病子日即是司天前進
三辰數至卯上是司地卯日是陰支退一位從寅
上數本命寅順行至司天位上見子是少陰天字
號第一證甲字號下藥

假令丁酉生人辛亥日得病辛是水運厥陰司命
辛亥日是陰日第五宮是卯便從卯上將本命丁
酉順數至司天亥上見巳是厥陰證以得病日為

主便將五子元運歌訣云丙辛之歲庚寅是就寅
上加庚字順數到亥上見巳字亥乃厥陰風木巳
是太陰濕土汗差歌云木土丙辛之日差

假令戊戌生人壬子日得病是少陰司天壬子日
是陽日順數三宮至寅便從寅上將本命戊戌順
數至司天上見申是少陽膽第一日膽少陽受病
為主二日傳未太陰脾土少陽相火火生土為微
邪當先補心瀉脾三日傳至午少陰火前少陽三

焦亦是火當解心經四日傳至己厥陰木三焦火
木生火為虛邪當補肝瀉心而愈五日傳至辰為
太陽水三焦是火水尅火為客勝主其人危困或
死

假令己亥生人癸丑日得病屬太陰司天癸丑是
陰日順數至第五宮是己便從己上將本命亥順
數至司天丑上見未太陰證便念傷寒歸號歌云
太陰丑母用心精母字號下第一證乙字號藥桂

金水山人集
卷一百二十三
枝湯主之餘倣此

又起例歌

素問運氣是根基當日陰陽用意推陽三陰五前行
順加臨人命在於期又將十干加命上數到司天病
總知良工若還明此法何憂道藝不精奇

假令庚子生人甲寅日得病是少陽司天甲寅是
陽日從寅上順數第三宮是辰將本命庚子順
數至司天寅上見戌是太陽證使用甲寅起五子

元運歌甲巳之年丙作首數到人命寅字上見丙
是小腸屬火逢水汗出第三日丙辰丙是水運是
小差日第七日寅申相冲庚是金運金生水汗出
子時一刻或三刻餘倣此

傷寒逐日受病捷法起例歌

子午之日起寅申丑未之日巳亥親寅申辰戌常須
記巳亥卯酉不虛陳此是六氣捷訣法辰戌子午正
相因若要傷寒傳六氣司天前後起三辰此法與前

相同

傷寒五運受病歌括起例

甲巳化土未為期乙庚金運酉中知丙辛水運從子
上丁壬木運卯中隨戊癸火運元居午五運皆同旺
處推丑命生人子日病順數見午少陰居假令丑命
人甲子日病使用司天歌念甲巳化土未為期丑加
未上順數到司天位上見午字即是少陰君火證也
餘做此例其病熱氣蒸口燥咽乾煩悶又如甲子日

得病甲巳土運從未上加人命順數到子上見午以
得病日為主使用五子元運歌訣順推甲巳之年丙作
首遂就寅上加丙字順數到午位得庚午庚本屬大
腸燥金午為少陰君火金火相尅宜瀉苦補辛

傷寒求司天司地歌

司天司地隔三位陰陽上下揔堪推後學醫流如曉
得逐年病體見根基假令癸丑年太陰濕土司天前
三位太陽寒水司地

傷寒求司天司地司人法

當日日辰名司天司天前三辰名在泉為司地左右
間氣名司人

傷寒求左右間氣歌

未日司天地氣真間氣須憑左右分中文午上標兩
手日前三位在泉應相冲隔位名足脉明者須知動
靜形端明此法通神聖隔簾診線謾沉吟

傷寒求太過不及平氣歌

子午寅申是太過卯酉己亥不及名辰戌丑未為平
氣此是地支取用精

傷寒六氣所屬歌

辰戌行太陽膀胱及小腸卯酉陽明金大腸胃中尋
寅申少陽膽三焦本自兼丑未太陰居脾肺總不虛
少陰行子午心腎南北都已亥厥陰木肝與胞絡屬
傷寒地支所屬歌

子為足少陰腎水湧泉深午為手少陰君火配屬心

丑足太陰脾土能主四肢末手太陰肺金商毛髮皮
寅手少陽火三焦相安坐申居足少陽膽火亦居左
卯手陽明金大腸未可侵酉為足陽明榮育土堪任
辰乃足太陽膀胱水可量戌為手太陽小腸胃中藏
巳木手厥陰安居包絡心亥足厥陰木肝藏配如今
傷寒十二支所屬臟腑歌

子中正者膽為頭丑位主肝寅肺流卯上大腸辰主
胃巳為脾統午心頭未上小腸同主命血脉膀胱主

在猴酉腎戌胞傳注處亥上三焦是地頭

傷寒十干所屬歌

甲膽乙肝丙小腸丁心戊胃己脾傍庚屬大腸辛屬
肺壬是膀胱癸腎堂

檢卷歌括

上二中三四等句第五傳流到卯寅六亥子丑分三
證便是陰陽活法人

又曰

上二中三四為儔少陽陽明第五遊厥陰少太尋第
六霍亂勞傷七為周

普濟方卷一百二十三